

蒲縣志序

周禮職方氏掌天下之圖以
掌天下之地辨其邦國都鄙
四夷八蠻七閩九貉五戎六
狄之人民與其財用九畜六
穀之數要周知其利害而隸
之於司馬大司徒掌邦教而

其所亟者乃在於以天下之
圖周知九州之地域廣輪之
數辨其山林川澤邱陵原隰
之名物而其所重尤在以土
會之法辨五土之物產然後
以十二教治五物焉夫圖載
山川之險易及土田肥瘠寬

狹戶口物產多寡登耗之數
者意主於物土布利惠養元
元也而又必屬之司馬營之
司徒者豈非以設險守國因
地施教亦於此是賴哉郡邑
之志即郡邑之圖籍也而蒲
邑獨無志非無志也踳駁

敝不可以為訓典也予同年
友王貞齋先生魁然為一代
著作手兩端亮介直尤為邑
之人士所欽矚予以邑志商
之慨然以脩舉廢墜自任於
是諏經稽典嚴立義例剗偽
存真拾遺補缺越五月而志

成凡所以經緯天地綱紀人
倫文教武備無不密博周詳
而於土田戶口賦稅征徭尤
三致意焉蓋民力凋瘵甚矣
書成予走筆序之欲使後之
覽者惻然念斯邑之未易藉
手也

乾隆癸酉季夏穀旦
賜進士第知蒲縣事歷陽丞
慧
穎超氏撰

蒲縣志序

郡邑之有志蓋昉古列國之
史而體則權輿於禹貢一書
至周禮職方氏有內史以掌
邦國志外史以掌四方志而
制綦詳已其後班孟堅因之
作漢地理志唐為括地志宋

為寰宇志元明為一統志皆
其遺意云大抵史以翼經志
以翼史而郡邑之志又所以
徵文考事以備通志之採擇
者也蒲之古志無聞自三河
羅侯創脩於明天啓丁卯閱
四十有七年至

國朝康熙癸丑孝感胡侯始起
而脩之其間因仍者十九增
行者不及十一規模以羅志
為藍本而觀者或厭且擲勿
亦略焉不詳又或失則近俚
焉近藝焉蒲有志而無志也
又八十年於茲矣我邑侯

亞魯亭先生以名進士掇蒲
令南下車愀然歎興力任脩
明屢委余屬草焉適余奉
天子命往尹秦郛而亞侯亦以
王事鞅掌不遑卒業歲癸
酉余以內艱家居亞侯復不
以余為不肖輒申前約而以

纂事見屬方懼不克勝任而
鉅典久缺將復湮滅是憂用
是不辭固陋篝燈編摩祛
摭真剗剗補時自春徂夏越
七晦朔而脫藁焉凡為卷者
十為目者七十有奇定可繕
寫因綴數語於簡端竊以備

志之難言也一邑之內山川
形勝城郭關津戶口田賦之
數職官兵防之設以及人物
之臧否方名物志之更易與
水火凶灾祥成敗廢置之不
時事藝文煩如蠅集鱗次於
此而郡居門彙窮蒐周采令

輕重詳略之不失其宜衆覈
考據之不與其實以成爲一
邑完典正未易率尔操觚也
且余聞今之脩志者矣或徵
聘名流或委任邑賢造之文
經衆手事同築舍去取百端
雌黃萬狀因而毀譽褒貶操

寸管以高下其乎親尊者曲
騰冉閔之稱仇疾者巧織姜
菲之錦甚且啖金使墓附熱
取客至以孝友節義藉爲
納交酬賄之具而於紀實存
微彰往訓後之義了無當焉
穢史之名不獨貽譏魏叔矣

茲編也提綱挈要案實點鴻
聖度之公且明足以獨斷之
而編次之役專委觚管於不
佞所謂矜如築舍者又庶幾
免矣而猶慮其有罅漏也由
是搜之往牒訂之金石採之
輿詞志地理則攷挾必真志

建置則興廢并錄志賦役而
民力之凋瘵以見志學校而
廟祀之禮儀以詳他若秩祀
志而淫誼必斥祥異志而兵
荒特書官師與選舉志而觀
法以立人物與藝文志而文
獻以存大槩衡人品則寧嚴

勿濫採詞章則寧少勿多隨
出已意附小論於經序以期
為世道計為民請計以副我
賢侯救殘補缺之盛心而知
罪有所弗恤矣雖然山川風
土志矣何道而使敵者以契
兵農錢穀志矣何道而使困